



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛХАД НАДИБЕРҢА

СИ" ИВ ЯЛХАНА НОПОЙ' СЕРТАБИВА"

Мэбета вадава" ила' панан' етри' мэква"! НЯРЪЯНА НЭРМ



№ 44 (5266)
2025 по'
ноябрь иры'
1 яля
СУББОТА

Российская Федерация Ямало-Ненецкий автономный округ



Сидяңг: Марина Яр' тадгавы

Юр" по" ямбан'
ты пэрти нядаби"

4



Едэй хабарталва

Нэрёй' сыранда ха"ам"махад округна" тигъывна нэрм' терңэ хабартавам' ваде"лава". Ханярина ты пэртина" ҳахакуд хадаванда тыдо' тэраби". Тикыдо' таславы яляхана хабарталваха" танаңгудо'.

Тазовской рай-
онхана тедари' сы-
рэй ялэдо' ҳате". Тець-
бата ҳод" янда ний' тамна
сыраси. Вадамбой' ты пэртя"
таня' тэваңгуд". Тасу явхана
нюдя пэвдей ирыхына тетимдей
хабарталвадо' ҳадимда. Тикы'
нямна районандо' ҳэвахана мэна
Виктор Югай паднась. Ма"нисяв,
нюдя пэвдей иры' еркана Мессо
яха' ня"ав' няна едэй хабартал-
ва манзаралты". Нобт' толаб",
тикадо' яханандо' тетимдейдо'.

Тад нерня мюсерта" ненэця"
хадаванда тыдо' ҳыхы ян' нидо'
танабаңгу". Тикадо' ненэцие"
мюсьлава" ниня ҳа. Тарця
ҳамгэм' округна" ҳэвахана мэна
ервм', я' тебтм' нэкалпада пред-
приятый няд"мяць сертавэдо'.
Таняна ненэциена" е"эмня едэй
манзая" ҳадимда". Комплексхана

сидя ю" хибяри" есядамдо'
недвопаңгу". Нокханда
юр" тонна ҳамзам' ҳыдаба
пирта". Районханандо' хада-
бада ҳамзамдо' ҳокамдаңгудо'.

Тасу явувна мюсерти" хавна
Нэдя' тер" ҳани' таня' тэворта".
Тарця няд"ма' нямна сидя по'
тяхана ты пэртя" округна"
ҳэвахы ерван' харто' лаханаць.
Районханандо' тюку пон' ноб"
ёнар" сидя юр" тонна ҳамзам'
ҳыдаванзь тасламби".

Ты пэртя" тарця сава юнхат
мале ҳахана тенева". Мессо'
нямна мюсерта Вячеслав Марюй
ма"нисяв:

– Ҳахат тына" ҳыхы ян'
танабасетына". Тарем' пон' мин-
ренахана ханяңэхэна хэвдо'
вомзеты". Теда' ихиня ҳули" сава'
то"олха. Хэвханана" мюсерта"
нина" ҳани' таня' хабартаванзь
хэванзь тасламбидо'. Нядна"

Хальмер" Седе саць хубта. Тарем'
сертавадо' ихиня ҳули" сава.

Тёняна илена Костантин Са-
линдер вадада тарцясь:

– Маня" нобтики Мессо яха'
ня"ав' няю' хэванзь пэрңава".
Тедари' тэри ҳатенава". Нум-
да тецьхаво"махад нина" пуд
пяңгува". Мале ҳахакуд тына"
помнана" тасламбина". Тарем'
тыдо' ми"ман' харвана" ҳока".
Тёняңы ҳэсыхына мэна" нина"
ҳани' ҳатена". Тикар' ёльце
сава юн, тына" мирм' минхандо'
тамбидо'.

Округханана" хабарпада тыто'
ҳамза' саңгом' 37 кила' пирңэ хар-
ва. Тюку по' ҳани' сава" нэрха".
Мале сидя по' пир" хэвада сава
ты' ҳамзам' самляңг юр" есявна
ня"марпидо'. Вэварка" – сидя
юр" самляңг ю"мня ханңа".

Марина Яр' падвы

Вадада ҳаха" тэворңа

Россияна" ҳэвахы ерв Вла-
димир Путин няби округна"
нермбэртя Дмитрий Артю-
хов манзаянди' сер' нобт' тэ-
ворңаханзь. Ҳарка яна" нена-
до хардахана ниди' лаханако
ня"ҳаханзь.

Ямална" ҳэвахана мэна яна"
серо" ханзер" нерня' мимам'
ваде"ҳась. Яханана" ненэцие"
илам' савумдамбава' няю' хур-
кари тарана ҳаво сертабавам' хэ-
тась. Нэрм я' нямна няркнавам'
саць саву"ҳась. Ма"нисяв, мин-
та ваданда сер', ҳадимдембада"
табекута сер' Ямал' тер" ил'
ҳадя' несэймдана. Маня" ок-
ругханана" хусувэй хибя' ням-
на ибедорңа". Тецьда я нэбта
ҳод" нюдяко" ҳацекеы" мэлавад
мимби". Нокханда 30 тарця
харадм' ҳабтавыць. Тохолкода"
ҳацекеы" е"эмня 17 едэй то-
холкулава харадм' мивыць.
Та- рем' яля' ер' пуд тохолкода"
тянёмдана". Сёбар" мэлавад
нобтики сер- таби". Нюдяко"
хардахана" няби марка"на
норта идм' тэрабада нэсяңо
ҳабтамби".

Ненадовна ҳока нюсавэй
мяд' тер" е"эмня ҳадиберта про-
грамма ваде"ҳась. Тикы' хавна
мерета тиртя ҳано" ненза се-
хэрэвна хан"мам', тиртя ҳано"
ҳамдолавам' мимбавам' хэтась.
Новой Уренгой харад несэймам'
няби лекарандо' мя" ҳадимям'
ҳани' намдрабтадась. Пыда ва-
давнанда теда' хахаяда" яха"
Москва' нямна, хара явна ханаць
ни тара". Тид' нэда сеҳэрэдо'
няхар" ю" си"ив. Ма"нив, самляңг
ю" поданда хэвы харад ёльце
несэйма, едэй иланд' ха"мана'
то"олхы". Я индадм' нэкалпада"
сиддо' сававна нядабавы".

Нэрм' тер" ила' нямна сян
вадам' мэ"ҳаханзь. Округна"
ерв ма"нисяв, яханана" илена"
нэрм' тер" ненэця" маларка ҳока
нюсавэй мяд' терңэ толы". Теда'
е"эмняндо' хуркари няд"ми
ҳадимдемби". Вадавнанда не-
вхы иламдо' нёдаван' харвана"
ҳани' ҳокамдана". Лахарёди'
тэри хайна миңась, ниди' сававна
ядабтэйдinзь.

Анна Яптик' падвы



Сидяңг: Марина Яр' тадгавы"

Ню"на" е"эмня

Россияна" нэванаха мэна ервана" табековна ерво" Совет' ма"люрма нэвысь. Пыдо' цока нюсавэй мяд' тер" нямна тасалковыць.

Нарка яна" нэвыхы ерв Владимир Путин вадада тарцясь: «Россияханана" цока нюсавэй мяд' тер" нядабаб"на" тара. Тарем' яханана" цокавна цэцкы" сояңгаңгу". Тикы серм' етри' нерня' минрева". Яна" терха"на саць тарана цамгэ, нерняңы илма" цадимдемби».

Округна" цудандана Дмитрий Артюхов мяд' тер" нямна, минрена" манзаита нямна цани' лаханась: «Тандая' ню хованда мяд' тер" сенз нэва' нямна пили" няркнава". Ямалханана" хусувэй по" цэцкы" сояңга". Россияна" тиңгывна маня" округва" няхаромдэй яхана мэ. Е"эмняндэ' хуркари няд"ми цадимдембива", цокханда няхар" ю" пир". Цобт' илелмэхэ" лекарабтаңгова' падарм' мипива", тарем' хабцяңодо' хомби", савумдамби"».

Тамна' тяха' ваде"мэда цокась. Нюм' ховы" нехэ" цокханда няхар" ю" тет ёнар" «Малышу Ямала» лабтэйм' ми"мы". Тарця мядонзэйм' мале ня"марпавэхэ" няхар" ю" си"ив ёнар" есясавэй сертификатм' мипи". Тюку поход «Ямальской маме» проектм' минре". Тандая' едеманда нехэ" цамгэрихина панта лабтэйм' мипи". Ханяңы" не" нюдо' таславы ялэто' нерня' хомбидо'. Хибяхав лекар" мякана мэ"манда ембдяртамда тэмда варкаңгу. Хамэдэда цамгэри ня"мабата ихинанда таңгаңгу.

Сидяңг: Александр Чирва' тадгавы



Лимбя' иры' нюртей яляхад «Молодая семья» программам' несэймдавы". Няхар" ю" пондо' нерцю" нюсавэйңэ хэвы" няхар" миллион есям' ня"марпи". Минрена серто' «Жилищный капитал молодой семьи» нубе"ңа. Нюдо цока мяд' тер" цани' нядабидо'. Округхана цадимдевы ню" капиталхана иле мядото' мюй

савумдамби". Ханяңы" федеральной няби арктической программы няд"мяць мятамдо' тэмдаби".

Ядембада яха" ныланаванзъ ханта" цэцкыто' сехэры' мир" тянёрка, билетадо' сидя ёнар" пир" есяхана тэмдабидо'. Таддикахад санаторийхана нюто' хабцяңо" савумдамба мэ"мы есьдо' пуня'

ня"марпидо'. Тохолкода" нюдо' юкад вата мат" ёнарм' терта есь' нэся' падарм' ня"марпи", тарана цамгэридамдо' тэмдаби".

Выңгана илена" нэрм' тер" тандая' соявы" нюто' едясява' нямна цани' няркна". Нюдяко хардахат няби хой' няд нэда" едя' ниня мэна" не" цэхакуд лекар" мяк" хан"лэйдо'. Тарем' яханана" яңгуворта цэцкы тынэ.

Ненэсянда' Ямалханана" нюсавэй мяд' тер" нядабидо'. Тюку по етя нюдо цока мяд' тер" ед' хэбидя ялям' сертавыць. Округханана" нися' е"эмня таславы ялям' мэць пяць.

Руфина Окоэтто' падвы

Несэй манзаи торомдамби"

Округна" нэвахы ервана" Дмитрий Артюхов' ватовна яханана" «Герои Ямала» программам' минре". Ява" лэтрамбада" ненэцие" е"эмня яңга тохолковам' цадимдемби". Тикы ненэдо манзаям' ня"амбаданэ яна" серо тасламбади" ерво" Институт' няби РАНХиГС тараңаха'. «Время героев» проект' тотрев', нарка яна" ерв' пидтевы падар" сер' сертабидо'.

няби Новой Уренгой хардаха' тер". Пелдо' Саляңгарад', Си"ив Харв', Муравленко' няд товыць. Цанидо' Надымской, Приуральской, Ямальской, Тазовской, Пуровской район" тер".

Цокханда тохолковадо' тет модуляң, тет яң' тярмы. Сидямдо' тюку похона мэ"ңахаюдо', тамна сидяхаюдо' тад тованда похона цэңгуху". Хусувэй тохолкодандо' харта нядаңгода, тидхаленгода ненэцянда тая. Сидя ю" си"ив ервм' табекодадандо', царктадандо' мэвыць: округна" нэвахана мэна", Законодательной Собрания' депутат", департамент"

ня"амбада", марад" няби район" серо минрена". Тохолковандо' мима' ямбан', программандо' малева' цэсонд' хэвханандо' мэ". Теда' «стажировка» мэ"ңа". Хор" иры' сидя юдимдей яляхад пэйдаць. Носиндалава' иры' 16 яля' цэсонд' сиддо' тохоламбадито' манзаралва' ё"мана ядэрта".

Янамбовна мале цобт' тэворць пэйдаць. Тарем' Законодательной Собрания' нэвахана мэна Сергей Ямкин манзаяханда Родион Пуйком' тэволась. Родион Саляңгардахана иле. Пыда харта инда харвабцовна ямда лэтрамбуванзъ хэвысь.

Штурмовой отряд' нермбэртяңэ таравысь. «Орден Мужества» ненадумда"мам', «За отвагу» медальм', IV степеньм' мэта Георгиевской крестм' ня"мавысь. Ядара"манда пуд мяканда товысь. Сергей Миронович пыда' нямнанда лаханавысь: «Родион' ня' пывамда тохолковамда тасламбининзъ. Тюкохона намдувандада цока цэңгу, ненэдовна хуркари вато" нямна нэда серо манэсарта. Пуна янда тер" е"эмня тамна царкамбой таром' тэврамбаңгу».

«Герои Ямала» программа' сер' ява" лэтрамбавы ненэцие нядаби". Сайнорма' няд мякандо' тэавы нидо' юрыбю", илаңгана тарана няд"ми няндэ мипавандо' хавна едэй" манзаяха" тохоламбидо'.

Анна Яптик' падвы



Сидяңг: t.me/smyamkin няд ханавы

Нюртей ма"люрмадо' вэба' ирыхына Саляңгардахана цась. Тамальңгана няхар" ю" няхар" ненэцям' тохолкованзъ ханаць. Пыдо' мал' тодо" яхат цэ". Цокаюм' пелядо' Ноябрьск

Ервдамдо' тэра"

Хор" иры' сидя ю" сибим-дей яляхана Яр-Саляхана тасалковам' мэ"наць. Район' тигувна манзарана" депутат" район' нэвахана мэна ервм' тэраць. Пыдо' малмбой' Артём Чуланов' ед' нудидо' тю"у' илаць.

Тарця серм' пиван' харвана цокханда тет ненэць' нэвысь. Пыдо' е"эмняндо' янга тасалкурта комиссия манзаравысь. Нерня хусувэхэдандо' хонарковыць. Ханзер" район' серо ня"амбацудо', ханзер" нерня минребцудо', яндо' тер" илам' нямгэ' нямна савумда пиртадо'. Тет ненэцяндга сидяримдо' нерня мэвыць – Артём Иванович Чулановм' няби Александр Игоревич Дьячковм'.

Ямальской район' нэвахана мэванда ерв' нюмам' «Яля' сэв» нубета мякана хэтадонзь. Теда' нэрка ервнэ Артём Чу-



Сидянг' t.me/an_kugaevskiy няд ханавы

ланов тараңгу. Ма"люрмандо' мальнган тарем' лаханавысь: – «Ямальской район' нэвахана мэва нянани ёльце ненадо сер". Самлянг по" ямбан' Андрей Николаевич Кугаевский ня" яна"

серо сававна минрейнаць. Тюку яхана иле тухудм', ненэцие" нод" торомдадм'. Тасламбуванда", пэрманда" серо"ни" пяныкад теневадм'. Округна" нудандана' нэдимдембада" табе-

ку нёдаңгудм'. Саць таранаңэ тасламбадини" тарця": ты пэртя", халям' хадабада" ненэцие" ила' саирм' лэтрамбава, я' индадм' нэкалпади" ня' нобнзер" манзарава, ненэцие" илам' савумдамбава».

Артём Иванович 1985 похона Омской область' няна соявысь. Таняна нод" ненэцие" серо тасламбадаңэ тохолковысь. Мат" по" ямбан' Тевризской район' серо ня"амбавысь. Я' малан' 2021 похона тэвавыць, «департамент имущественных отношений» нубета я' нэвахана мэна ерв' марцьхэңэ таравысь. 2025 похона Яр-Саля харад' нудандана' марцьхэңэ хэвысь.

Тикы' хавна Пэ" няна нобтики ервдамдо' тэраць. Депутат" Си"ив Харвхана ма"люрмыць. Ненадовна теда' Марина Ароновна Трескова нермбэртядандо' тараңгу.

Анна Яптик' падвы

Сёбар" ма"лыць

Хэвы си"ив яляхана Тазовской хардахана хуркари сёбар" ненэця" малыць – нэрм' тер" сянакубц мэ"наць. Пыдо' мале нябимдей по' нидо' тев' ёльцяңгана танияна ядабтамбидо'. Тодо" районхат тэворнаць.

Тет яля' сер' си"ив я' тер" ёльце тыхынаць. Пыдо' округна" Кубокм' матопиць. Ярколаць, хано санарпиць, сюрбернаць, нопой яхад нид сюрамба санарнаць. Хусувэй харта тэравы пирдырмада таниясь. Ханяңы" сидя сян, няхар" сян сянаковахана мэць. Пудана яляхана хибя нерня' ха"амва пунумась. Сямянхат ва"лэй" сёбар" ненэця" Приуральской районхад товы". Нобкана нерня' ха"мыдаць. Ненадо сёбар" нани' тасламбидонзь. Нобто' мале тенева на юнета нява" Юрий Лаптандер нэвысь. Пыда тарем' мась:

– Тюку яхана ненадо пирдырман' хусувэй по' тыхасовна нэнакурна". Тюку по' нод" нани' тарця нэвы. Пирдырмахана тад нерня' тамна тыхасовна ныхына мэйрамбаңгува". Нямгэ' вэва нэвам' мале янамбовна хамедэйнаць. Яхана" тэв"махадана" тидхалембаңгуна". Тадри' тамна Россияна" ед' Кубокм' матопангува".

Теда' тюкона пирдырмэхэт ва"лэйдо' тэра"махадандо' мат" илебей ненэцям', мат" пирибтам' тамна' тыха' нэдараңгудо'. Таняна Ямалва" манэ"лабтамбаңгу". Нопойдо' Сергей Лаптандер нэңгу. Пыда вадада тарцясь:



– Ихинани мань савовна ныхыми манэ"лабтавась. Нока нини" поңгана няхаромдэйңэ ха"мываць. Пирдырмахана сидя янорэй' нерденадм'. Тюкона сямянхат мэбета, мерета ненэця" ма"люрна". Тикы" поңгана тамна сямянхат ва"лэйна" тания". Пыдо' Россияна" Кубокм' матопаванзь тадри' нэдалёрта", нини" поңгана мань нани' мэңгудм'.

Приуральской районхад Ямална" командан' тэравэдо' – Эдита Ламдо'. Пыда ма"нисяв:

– Ныхыми сававна мэ"навань. Теда' Россияна" кубокан' нэдимдадм'. Тюку пирдырмахана сибё – сюрбермам', хано" сарпавам', нопой яхад няхар" санармам' тасламбидм'. Ярколава тоена.

Ноб" яля' яха' лаңгхана ярколавандо' мальнган хадаркась. Хусувэдо' харта тынзямда тэвравысь. Нэрм' мерця яркола ханяцей няд"маңэ тарась. Тикы пирдырмахана небо' сидя ва"лэй



Сидянг' t.me/Ugai_VK няд ханавы

нядо' нэвысь. Сергей Лаптандер няби Юрий Лаптандер нэдаради' яңговысь. 440 янорэй' тынзяңоди' сано"мыдинзь. Сергей Лаптандер – Ямальской район' тер, ты пэртя' ню, нэдьбэты тынзям' ня"амба тенева:

– Небо' сиднтет час ярколанинзь, маси" няхаромдэйдм' нэңгоданакэдм'. Тюку по' яркола невхы ты' хоба тынзяко



нива" мэс". Тарця нумгана финской тынзя сава, ненэй ненэця" паңгалмы" саць сибё", мерця' сер' выварць ханна".

Сергей хано сарпа, сюрберць нерня' ха"амвыць. Командавна сямянхат мэбета" Пэ' тер" нэвы", пудандо' Ямальской район' сёбар" ха"амвыд", Тасу' яв' тер" няхаромдэйңэ хаяць.

Тарем' сёбар" ненэця" Тазовской районхана ма"люрнаць. Округханана" сидто' пир" нэрм' тер" сянакубцха"на хибяхарт яңгу.

Марина Марюй' падвы

Юр” по” ямбан’ ты пэрти нядаби”

Їокханда Ямал’ тигэвна ты” лекар” манзаямдо’ мале юр” по” ямбан’ минредо’. Хурка сава серо ты пэрти” е”эмня тидхалембавамдо’, тамна јани” ты пэрма’ нямна јэда” юне интернет’ мутравна намдынац’. Ненэцяг” округна” ты” лекар” јэвахана мэна Евгений Петрович Попов лаханась.

Вадавнанда, Їэрм’ яна” јардавна сямян-хат јарка серто’ – ты пэрма. Тикы инда јэрабцо’ сер’ ты” лекар” яханана” ёльце јарка таром’ минре”.

Хонаркодајэ юне тэволана” тарац’. Евгений Петрович лахарёнда нерде-на пеляхана юр” по” тяхана јэвы” серо тензетбеть:

– Сямянхат нюртей ты” лекар” нюмам’ 1907 по’ ёльцягана падвы невхы падаркад теневава”. Тикы ненэц’ мань еркарами мэта Попов јэвы. Ты ниц’ ирыхына пыда сита Тобольской губерния’ няд Обдорскан’ јэдабтавы”. Мале сян по” ямбан’ яна” јардавна јэдалёрмы. Хурка” я’ сармик” таниявам’ манэ”сармы, ты пэрти” тоенана” серо падыбавы. Пуданда 1912, 1913, 1914 похона” ты” лекар” јани’ вынд’ тэвормы”. Тамальгана тэхэ”на јэдалё ненэцие” пумна мюсермы”. Ты” хабцяјо тасламбавы”. Тамальгана ховы” теневабцудо’ лекар” тедахарт’ няд”мајэ мэ”јидо’.

Невхы” похона” мюсерта” ненэцие” јэсы” ёльцянд’ тэва янга тикы’ е”эмня мэта” тэдамдо’ тэмдабавы”. Ям’ теневаанајэ Їэрм’ тер” таравы”. Совет” ила’ мальгана ты” лекар” Салыггардахана янга манзара харадм’ мэ”мы”. Сертабада пардондо’ хурка јэвам’ манэ”мандо’ е”эмня харто’ тыто’ мандалакоця таниявы. Јарка сайнорма’ нерцюна мале 18 манзарана ненэцянд’ јэвы.

Хусувэй по’ нум’ няра несэйворја. Јадьбяна” теда’ манзаина” мер’ пясетына”. По’ ямбан’ тарцетына”. Пудана самляг-мат” по’ нарэйма’ сер’ мале янгана тебсетыва”. Таңы јлэна” мер’ хэсеты”, хутоларагавана” нидяра’ иры’ пиркана мале манзарасетыва”. Їокханда сидндет юр” јэсы” ты лекарабтамсетыва”. Ты пэрти” вэно јани’ яггабина”. Тарем’ ненэця” вэното’ сенз јэвам’ лэтрамби”.

Тикы’ хавна Евгений Петрович’ вадавна, нумда хусувэхэд ибајэ хэванда сер’ хуркари” ехэрана” сис” јадибелыд”. Ханяјыдо’ вэва хабцяјо тэвола”. Нядандо’ јахат ехэравы хабця” јадимз пирја”. Јадьбјата ты” лекар” тарця” серкат јобтики теневабто’ тара.

Ямал’ јэвахы ерв’ табековна мюсерта” ненэцяг” няд”мајэ пардонсавэй” лабтэй мипи”. Тараванда мальгана тердо’ ханзер” мэ”мам’ ваде”ја”, табекурја”. Ненэця” ня”амвы” пардондо’ саву”јидо’.

Ты пэрма’ серкана едэй мутры мэ”ја”. Неноховавна RFID нюбета” ненадумда”ми сертаби”. Тикыдо’ мэц’ ненадумдавы ты’ нямна хусувэй јамгэм’ манэц’ пирја”: ерванда еркари”, хурка хабцяјгат яггабавамдо’.

Ты” лекар” нули” ненадо табекодо’ тарця: вы’ тер” ненэцие поса хабцяјгат јани’ яггаба тара”. Тыдо’ яггабада” лекар” пыхыдадо’ јани’ тарем’ лэтрамбидо’. Нисъ тоса манзара”.

Едэй илангана хуркари нумгана ханяри’ тэва пирјадо’. Нара’ Салехард-Надым’ поңгы сехэры’ няюна ягганабто’, машинаха”на, мерета еся ханха”на јэдалёрја”. Таңы нумгана тиртя јанодо’ мэ”ја”. Манзаравандо’ няю’ хусувэй јамгэдо’ тания. Ягганавамдо’ мирци” сертабидо’, ненэця” јобкарт есям’ ни” салдамбю”.



Сидяг: И.С. Шемановской музейхад тавы.

Салыггардахана илебей ненэця” ты” лекарајэ пыхыдадо’ тохоламби”.



Сидяг: Кеерт Ю.Г. архивхад тавы

Лекар” ты пэрти” јэсыхына манзара”, тыто’ хабцяјо таниявам’-ягговам’ тасламби”.

Нерняңы самляг похона” теда’ минрена” серодо’ тамна’ тяха’ тидхалембагуд’о’. Сиддо’ няд”мяц’ ты пэртя” таңга, хабцяјгат нисъ тоса тыдо’ лэтамбаг’у”.

Галина Окоэтто’ падвы



Сидяг: Марина Яр’ тадтавы”

Нюрте"эй" паднана"

1931 **НЯРЪЯНА ЇЭРМ**

1949 **НЯРЪЯНА НГЭРМ**
КРАСНЫЙ СЕВЕР

1972 **НЯРЪЯНА НГЭРМ**

1987 **НЯРЪЯНА НГЭРМ**

1991 **НЯРЪЯНА НГЭРМ**

1997 **НЯРЪЯНА НГЭРМ**

2012 **НЯРЪЯНА НГЭРМ**

2020 **НЯРЪЯНА НГЭРМ**

Тадри' округна" жарка соя"ма' ялям мэтава". Ямална" хасава юр" самлянг поданда ханда. Нита нерня надимы «Няръяна Їэर्म» газетана" жарка ялям-да ядабтамбагува". Тованда 2026 похона нани' хасава юр" самлянг пода нэңгу.

Совет" ила' това' сер' невхы илма" янамбовна несэймданавысь. Ненэцие едэй мутры мэць ня-дабавыдонзъ. Ты пэртыха" луца илам' манэ"лабта"махадандо', падна, толаңго тохоламбавыдонзъ. Тикы' хавна тодо" тэнз вади тохоламбада" учёной" ненэй вадава" тохоламбавыць.

Ямалханана" нюртей газетам' 1931 похона сие ниць ирыхана Обдорскхана надимдеведонзъ. Паднана" илам' несэймдамба ныхым' нивы" сый". Хусувэй илаңгана тарана серм' тю"у' манэлабтамбаведонзъ. Етя латинской буквы" сер' ненэй вада



Сидяңг": Няръяна нгэрм газетакхад' нэкалмы"



«Хубта сехэрэн» нубета юнм' ходамзъ. Пыда тарем' паднавысь: «Маня' Родина» сейхад-Москва маркад хубтахая яхана – «Красный рыбак» нубета колхоз сыри паромдэй поңгана жа. Ядэлави' мюня' тайна, тюкона ненэцие" мандал' надибера, пыдо' нэсы' учрежденияха' хан"жа, илңы нэрм' тер" ненэця" книгыдо', тетрадьдо' мине школахандо' то-холкованзъ миңа. Хае-рад нылна мальцяда-на ненэцие" мандал' ну: Тикы Ямальной районхы халым хадабада' нидо' хубта ян' тохолкованзъ нэдарами'.

...»

Ирина"на" надимдевы газетам' тамна минрева". Толаңгодава" жока. Нэрм' тер", выңгана илена" нина" е"эмня паднава".

Теда' невхы" падро манэць пирьяна". Та' мальгы паднаидо', похо" манзара"мидо' таняд хомбина". Архивм' манэ"сарма' сер' хусувэй по' газетам' яңгам-дамба"мадо' жади. Тикым' няд"мяць жока нямгэм' толабива", хамэдамбива".

Тюку илаңганана" юне ханзели", ханярина манэпина". Интернет' мутрам' няд"мяць намдорьяна", толабина". Тюку тенат' газетавата" тамна сертабива", пыдара" то-лаңгодаңэ е"эмнянда" варева" мэ"жава", юнета" паднанина" та-беко нина" юрибю". Хусувэхэна ненэця" едэй юндамдо" толаванзъ нули' нэтенасеты". Тюку похо"на жаромбой" ненэця" жахатандо сер юнсавэй падарм' толабавам' харвобтасеты". Газетыдо" етя мякто" тэволэйдю". Таддикахад школахана" ненэй вадан' жацекы тохоламбадахана" нани' тарасеты. Жацекэхэто" хуркари" мэкад иле"ми, таром' ха"аврамбавы" ненэця" нямна толабасеты".

Руфина Окотэтто' падвы



Сидяңг": Анна Ялпик' тадавы

ОБЪЯВЛЕНИЕ

**ДЕНЬГИ БОЛЬШЕ
НЕ ТВОЯ ПРОБЛЕМА**

5 300 000
РУБЛЕЙ В ГОД

2 600 000
РУБЛЕЙ ЕДИНОВРЕМЕННО

**ПРИ ЗАКЛЮЧЕНИИ
КОНТРАКТА
НА ЯМАЛЕ**



Ямалхана
СВО' няна
сайнорта"
ненэцие",
мято' тер"
е"эмня
надимдевы"
няд"ма"

алфавитм' сертавыць. Газетам' тикы' сер' «Няръяна Їэर्म» нэ нюм-деведонзъ. Латинской букваха"на падыбаведонзъ. Мюнянда сидя вадавна паднавыць. 1953 поход маңгты" иры нюртей яляхад ненэй вадаривна нэда газетанэ сертаведонзъ. Тарем' етри' минре нензел" нивысь жа". Падвыдо' падарт' надимдемба яханандо' ненэй вада" буква" ненадумда"ма" яңговыць.

Таддикахад 1990 похона хор" иры юкад вата хасаваюдимдей яляхана нани' сидя вадавна паднавыць. 1991-1993 по" ямбан' хаби вадавна нэда страницам' надимдевыць. Няхар" вадавна газетам' пандамбаведонзъ. 1998 похона жацекы" е"эмня нюдяко «Мынико» нубета газетам' сертавыць. 2018 похона газетам' едэй мутры" сер' яңгамдаведонзъ. Тодо" тэнз нолепяха"на падтаведонзъ. Тяхана париденяри нолепям' мэ"мыць.

Ныхы" похо"на юне газетарихи-на толабавыдонзъ. Иландо' таняд пересь. Таняна саць тарана" серо падыбавыць. Л. В. Лапсуй' падвы



Нидима" кашемдюд" пота кадя

Пюд дяхана дидина вайсы'ку Альва Игрумович Пяк кашемдюд пота кадя. Дядяманисомамта дядямта нюувдета" поңкна мэнаташ. Чики дядяхана ни'та камна ши'та Пуровский' районна ведв поздравийнаш. Дядяманисомата дядяхана нидима" кулкади" хома вачи" намтјаш.

Альва Пяк дилта дямпан выңкна дидимы, кэвхананта мэнанта дякумахат калтан тоңаш. Нюча нэймяхайта дилта неньшад ниш'на. Хайнодыш чепьмаханантуң шеэвимты пота мимай. Тамна нючаңэ манслаш чепьмай. Кашемдюд" похонанта Альва Игрумович' манде вядта падилтаңашкиңаймай. Шаңкмян выңкайңайватам мэ'мам чедимай. Ыадка нета" нятапеш ты" паделдыштомай, ысым дэтипеш вештомай. Таңичохона дэдилта нета" нятапештомай. Маньшту, кашемдюд" похонанта маньдеңайталёмам хомана чедимай.

Тадям Талкаханамяту" пи" тың кан'хана тэйвапёта немямта нятапё манслаштомай. Хайнолма похона хыдаң ты"ңамши", нешади" катамы" кеди", хайму" панэт хэтмы" паныдюд" тың канхана Вынгиң нянаңайта факторин' таштомытуң. Тай"ня чикитоң пэнтди" шехелэмна Талкаң дёдышатңайталё тэйваштомытуң. Хампдяңкдяңкня похонанта Альва Игрумович Талкахай колхозан тонлунтаңэ мансла чепьмай. Шеэвдяңкня похонанта пи" матудпёта пильщик'ңэ мэмытуң. Неша нета" няш четыдяң шедтапёта" пай мяту" пят матудпештомай. Мат'шеэв метраң кун шутня" пядяй" Пюдпёхот' тэйваштомытуң. Шеэмна пи" таңичохона дяхаң лаңкан тайвамахататоң, видяхана шалхадя, дяхаң кысумна, вентат' шед таштомытуң.

Тай"ня чикитоң Талкан

тэвдамахатоң мед касмантуң мэты пилахана дяткадя, нуп' ниңңамташтомытуң. Таньдёдышкана нуп' вив мэш манслаштомай. Ыамыди пэнтдям' Талкан тамнантоң, чупей –ңашки", ыадка неша", ведвы" нятакоштомай". Кашемдюд"дяңкня похонанта Альва Пяк калитанаңэ мансла чепьмай. Маньшту, дэдилмантуң мэты нешаңи" Пюд кысумнаңанохана кэштомай". Катамайтуд калитоң чики минхантуң Талкан лапяташ пайңанохана тэйваштомытуң.

Чикиң пут «Верхне-Пуровский» совхозан' тэхэ" мансла чепьмай. Шичадюд" похонанта маньде ты" ысым няаммай, чильний, вивнутута нешаң нэймянта дээмня бригадир'ңэ мэмытуң. Няхалдюд" пуң тэхэ"на



Таттама: Андрей Пяк таттамы

мансламай. Тыта" ысы пу" тахана хома паталт камаштомай.



Куптаң, хомана мансламанта дээмня, Альва Игрумович нука наградом' няамңаш, шанат' патдота" ведву" мимы" тадя". Хомана мансламанта камна дёдыше медь нешаң, выңкна дидимахананта кан'ну", лампи", пайңану" мидьштомай, тыньшам, шамчум панкалмам чедимай. Альва Пяк пушанта няңи шичадяңкня нюмч" чупей хомана ватадячаньш. Нич" тотуң чильниймана дилмтуң минде дидиңа", хомана манслаңа".

Четаң вайсы'ку Талкахана нюча нюхунанта диде. Альва Игрумович дядяманисомамта дядямта ни'та поңкна мэнаташ. Ни'та ню", ни'та ню" нюувди" чупей нидимтоң хомаң падилятуң. Пытоң нидинтуң мят майпеш тошту".

Кадпюдантңамыку" таңа"

Кадпюдант талана"ңамыку" тэвдаңа". Нэдм' чел" нешай" детңайта управленихина мансланна" пу" тахана выңкай дилант талана"ңамыку" тэмташту". Дюд" дилиң дямпан маньде нукаңамым нешаңк ми'ңаш".

Чики ТМЦтоң округхатна мимы" вешахана" тэмтапёта". Нопшед шича дюд" няхад тэмсңамыку". Ты" паделдыш манслана нешаңкна, калитанахана, пеншихина мэнахана таньше нятакома хома шед. Выңкай дилхана нукаңамыку" талана". Кимя патал заявлением' патса", четаң чики нешай" мэт мичилпи". Чуувна дидина" нешади"ңамыкот Кадпюдант машен'канхана тэвдаңа". Кимяң чуки похона очередьта тэвдяш, чики неша" пращину", тухис", латку" нямадя". Кадпюдкана шичадюд" шеэв неша"ңамыкотоң няамңа". Кулка, шаңокңамыкум тэмташатуд

патдотон управленихина мансланна недьшут тасдаштутуд.

Чуки похона нятакомаң детңайта вештоң ноктайтоңыш, Пуровский' районхана нопшеды шичадюдкат ва'та шичадюд" мат' нешаң мятчел" нятанаңа". Латку", ной", топдыа", нямсахи", пращин, тухис, электрогенератор', бензопила, кэд, металлочерепица", патма" маня" Пуровский районханана нешант талана"ңамыкуди тэмташту". Заявлением' патмы" неша" очередьтуң тэвмахат, няңтуң таслёт"ңамыкутоң нямаштутуд. Кимяң кулкаңамыку" таламам, нешаңкат недьшут управленихина мансланна" намташтутуд. Чикиң камна выңкна дидинаңашки неша" ненэй мят детңайта" капитал' нямашту". Тадышаңамыку" нимимты нюнта дядяманым нешант тасдамы. Таньше нятакома Ямална ыадка ведв шедтамы, выңкна, петадахана дидина" нешади" дилм чуув паделдыш.

Чуки похонаманя" округханана нопшедхампдяңк дёнадкат нука нешай" мятчел" нятаңаш".



Таттама: Андрей Пяк таттамы

(Нердена пелямда 40, 41, 42, 43 номеркана толара")

Ся"ны эбта о" пелейко ва"вхана юседам. Вэсако пухуцянда мама-нонда:

— Пухуця, тяханий ацекэва" ийдани' мэб"ни' саваню".

Пухуця масьню":

— Амгэда вэва? Мэхэва"!

Си"им вэсако хажа, пыда тарем' ма:

— Сусуй ацекы, тальня' ту"!

Мань юркыв", хаям'. Ва"ван амдыв". Пухуця ед теда. Маня" аворжава". Авормана" сер' маня"

Падта"ма": Эдуард Яндо' падтавы"



Няр", Пуци Тэта

Тюку ярабцм' 1948 похона З.Н. Куприянова Нельмин Нос нюбета хардахана Явтысой Алексей Михайловичхад намдавэда, падарт' падвэда. Пыда ёльце сюдбала нэвы. Тамальгана И.П. Выучейской' совхозхана юне лэтамбадаңэ манзаравы. Пэвсюмя' няна мякананда ненэцяңг" лаханако, сё мэцетавы.

Пыдара" е"эмнянда" З.Н. Куприянова' падвы' сер' хаеваць. Толаңгобта", Канин' выңгана илена" ненэцие" вада' хэтырм' намдана' то"олхада" нэңгуда". Вадиана" тэнз" нэмгэвна яңгавам' харта" таслаңгура", хамедаңгура".

идаржава". Няр" писавэй яля' мядожава". Ань' сававна иле пыва". Няр" пом' хаева".

Ся"ны эбта о" мань тарем' мам":

— Сэротэта вэсаков, няр" Пуци ям' манэтав. Пыдо' илевадо' сейханан вэва.

Вэсако масьню":

— Манэсан", мань о" тутам'!

Пи' сеңгава". Тебта' няна мят' тына" танам'. Вэсако сидя ханм' хамада. Хабто нултава". Мань самляңг тай сэр" тэми сярэм', сэлха хорхав нензаминдяңэ сянтав. Вэсако мэтадамда сярэ, пыда масьню":

— Тюку тет хорхан сэлха хоранд ня' апой небядо'.

Ханни' подержани'. Мань тарем' мам":

— Сэротэта вэсаков, хадри' нерденяңэ пябцур! Мань няр" Пуци ям' вунив' тенев".

Вэсако инямда, тюрмда абкана ня"мыда, эдалэй". Мань о" эдалэюв". Тикы хэбья"ни' ирий' эдалыни'. Ирий' эсоңгана хой' ни' нултами'. Нерня' сыржани', мань тарем' мам":

— Няр" Пуци" ядо' хубта эбтав'?

Вэсако масьню":

— Авнанда тюку яхад мал' адьсеты: мяд" адьсеты", Пуци" яха адьсеты.

Си"ив хунка"на мань сырңам'. Ненэсянда о" мал' ади". Мань тарем' мам":

— Ади"!

Вэсако масьню":

— Адьбата' теда' эдалю"!

Мань нердесь хаям'. Тикы хэбья"ни' си"ив' эдалыни', си"ив' эсоңгана мяк" тэвыни'. Мядо' нерня нултами'. Ханни' сярани'. Ынув туюхулаңам', ынув нярхалав, мань тарем' мам":

— Няр" Пуци, амгэм' атеда"?

Няр" Пуци маймбадарха", ынхато'



лабцеяд". Няр" юд" тер" енерць пядо'. Тикы енермана" няр" по" енержава". Мал' хадэйни', хаенами' яңгу. Мань тарем' мам":

— Тикы яхана нядни' сатам' нини' хо". Сэротэта вэсаков, Ылека Пуцини' ян' пябцуми', ху' ед' тарабта вунив' тенев".

Вэсако масьню":

— Ехэрабат мань пяңгув'!

Вэсако иням' пин"та, эдалэйни'. Тикы хэбья"ни' ирий' эдалыни'. Ирий' эсоңгана Ылекани' мяд" адимя". Ули' мядодо' ока"—сидя юр" мя". Мят' нултами'. Мань ынув туюхулаңам', нярхалав, мань тарем' мам":

— Амгэм' атеда"?

Тарем' маниеба"н, Ылека Пуци тикана Яв' Ханин' нюкцянда ня' мэ". Харто' ынхато' маймбадрев' лабцеяд". Си"им манэць енерць пядо'. Тикы енермана" юд" по" енержава". Юд" по" эсоңгана мал' хадайни'. Тикы мяк"на сатам' ань' нини' хо". Мядо' ямдалэйни'. Ылека' ню' немда ханами'. Яхани' мюсева", си"ив' мюсева". Си"ив' эсоңгана мякна" тэвына", ысыва". Мят' тюва". Ед пивы. Авор"махадана" хонэйна". Пи' сеңгава".

Тебта' няна няр" Пуци ян' тыни хосая хаям'. Няр" Пуци' ян' тэвыв". Мядо' ямдалам'. Пуня' мюсем'. Ирий' эсоңгана мякан тэвыв". Сидя юр" мядм' там'. Ти илева". Ылекани' нем' недан мэв, нев, сидя нев. Ули' сававна илева".




Та' валакада.

(Пелямда нэдиманда газетахана толара")

З.Н. Куприянова'
ненэцяңгат намдавы,
падарт' падвы

Хобцоко”

Таслара”, хурка
вада” сюры”?



Татьяна Сэротэтто’ сертавы”



Тосада”

Яханана” нердена тецьда” нуво” пуд ид” салабаңэ синдасетыд”. Мер’ саваркавна салаба ни ханибер”. Тикы’ хавна тамна ңани хуркари маянд’ еремзь пиртан.

Тарця серкад лэтрёва’ нямна ңэда юнм’ интерне-тувна нэдарамбавыць. Сидна” ңахакуд хонрамби”. Ненэцие маяңгат нэдабада” школаха” ядэрцеты”, тохолкода” ңацекэхэ”на лаханакурцеты”. Интернет’ мутра’ сер’ ңобтики ваде”ңадо’, падыбидо’: «Хусувэй ненэць’ лэтрёя. Нюхуната” тарця сер’ нямна лаханакурҥада”. Маянд’ еремым’ манэпата” тюку номер”мана:

««дежурная служба»: 8-951-985-99-79, «горячая линия»’ сер «Ребенок в опасности»: 8-800-301-15-71; мобильной телефонувна 123 лаханада”».

Выңгана илена” ңани’ лэтеркабто’ тара. Ңарка ненэцяңгав” тенеvasеты”. Сыра’ ңылна мэёвна ханимы салаба ни ңадю”. Нерманзь, ватаңгованзь, яха’ идм’ няр” мада тарабта, ся’ пирувна салаба’ няңоро”мам’ тасламбасетыдо’. Илебей нидо’, ңацекыдо’ табедамбасеты”.

Ңани’ ңопой явлaда сер” – тецьда хад” нумгaна ненэця” я” понд” ереберцеты”. Тюку илангана еся’ ханхана нэдалёрҥа”. Вэва нумгана ненэць’ та’ ниняханда тоса” буранада тахара пирҥада. Хадумбата ңод” тикари яхананда ңатенаб”та тара. Хэвня’ ёховоңгaдaндa ни ханд”. Хани”моңгaдaндa хэңгaдамдa сертахая ңатенаңгу.

Тэхэ”на нэдалёда нензаминдянда мята ңэсонд’ ям’ теневабта хад’ помна сита тэвраңгу. Тарем’ нёб-та ерев” тыда савамбовна сяраңгуда. Ханя’ мимамда юравоңгaдaндa, тюранда малм’ таяню’ тидхалеңгу. Тюрамда ханда хэван’ ян’ нултаңгуда. Лакамбой’ хэңгaдaндa сырам’ сабкаңгу. Хубта ян’ хэсь пябто’ ңахакуд лэтёсеты”. Савам-бовна таслахая, тараванда ңамгэридамдо’ содасеты”.

Вэва серт’ еремоңгaд тосасетыда”. Хуркари” маянд’ еремзь пирты”.

Руфина Окотэтто’ падвы



Сидяңг”: Марина Яр’ тадтавы”

Газета «Няръяна Нгэрм»	И.о. главного редактора Яптик Анна Владимировна	И.о. генерального директора АНО «Ямал-Медиа» Чигиринова Елена Константиновна	№ 44 Подписано в печать 30.10.2025 г. Вышла в свет 01.11.2025 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д.9, каб.708).			Тираж 3600 экз. Заказ № 1586 (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунянца, д.1, каб. 106	Цена годовой подписки 166 руб. 84 коп.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)			Фактический адрес: 629007, Ямало-Ненецкий автономный округ, г. Салехард, ул. Чубынина, 39А	В розницу не распространяется.
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Газета выходит по субботам.	Адрес редакции: 629003, ЯНАО, г.Салехард, мкр. Богдана Кнунянца, д1, каб. 106 тел. (349 22) 4-53-32 E-mail: nn@yamal-media.ru